

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), a u vezi sa članom 37. stav (8), članom 46. stav (1) i članom 56. Zakona o izvršavanju Budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 17. sjednici, održanoj dana 20.04.2023. godine, d o n o s i

ZAKLJUČAK

o usvajanju Programa utroška namjenskih sredstava iz oblasti šumarstva za 2023. godinu

I.

Usvaja se Program utroška namjenskih sredstava iz oblasti šumarstva za 2023. godinu u razdjelu 23, budžetska organizacija 03, potrošačka jedinica 0001 Budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23) u iznosu od 2.964.486,00 KM (slovima: dvamilionadevetstošezdesetčetirihiljadečetiristotineosamdesetšest konvertibilnih maraka) predviđena za tekuće rashode čuvarske službe, nabavku opreme, rekonstrukciju i investiciona ulaganja tj. pošumljavanje i druga ulaganja za unapređenje šuma, a koji čini sastavni dio ovog zaključka.

II.

Sredstva planirana Budžetom Kantona za namjene predviđene ovim zaključkom, realizovat će se isključivo u skladu sa realizacijom ostvarenih javnih prihoda u Budžetu Kantona, planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, te u skladu sa utvrđenim ukupnim nivoima do kojih se za pojedini mjesec od strane Vlade Kantona odobre mjesečni operativni budžeti svim budžetskim korisnicima, osim u slučajevima odobrenim posebnim aktom Vlade.

III.

Za realizaciju ovog zaključka zadužuju se Ministarstvo za poljoprivredu, šumarstvo i vodoprivredu - Kantonalna uprava za šumarstvo i Ministarstvo finansija, svako u okviru svojih nadležnosti.

IV.

Zaključak stupa na snagu danom donošenja.

PREMIJER

Amra Mehmedić

Broj: 02-_____/23

Datum, 20.04.2023. godine

Z e n i c a

DOSTAVLJENO:

1x Ministarstvo za poljoprivredu,
šumarstvo i vodoprivredu,

1x Kantonalna uprava za šumarstvo, putem Ministarstva,

1x Ministarstvo finansija,

1x a/a.

P R O G R A M
utroška namjenskih sredstava iz oblasti šumarstva za 2023. godinu

UVOD

Osnov za izradu Programa utroška namjenskih sredstava iz oblasti šumarstva za 2023. godinu čine Zakon o šumama („Službene novine Zeničko-dobojskog kantona“, broj: 8/13, 1/15 i 5/21) i Zakon o izvršavanju Budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23). Članom 37. stav (1) i stav (8) Zakona o izvršavanju Budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23), je propisano da će se budžetska sredstva na poziciji „Tekući transferi i drugi tekući rashodi-namjenska sredstva” koristiti prema Programu utroška koji donosi Vlada Kantona, te da će namjenska sredstva utvrđena u razdjelu 23, budžetska organizacija 03, potrošačka jedinica 0001 Budžeta - Kantonalna uprava za šumarstvo, koristiti u skladu sa važećim propisima.

SVRHA PROGRAMA

Svrha izrade Programa je da prikaže po osnovu kojih namjenskih sredstava su planirani prihodi u Budžetu Zeničko-dobojskog kantona za 2023. godinu, za koje namjene i u kojem iznosu isti mogu biti utrošeni.

VISINA SREDSTAVA I IZVORI FINANSIRANJA

Namjenski prihodi iz oblasti šumarstva u Budžetu Zeničko-dobojskog kantona za 2023. godinu, planirani su u iznosu 2.964.486,00 KM, a čine ih sredstva planirana po osnovu slijedećih naknada:

1. Naknade za općekorisne funkcije šuma	600.000,00 KM
2. Naknade za obavljanje stručnih poslova u privatnim šumama	250.000,00 KM
3. Naknade u postupku promjene namjene šumskog zemljišta (krčenja šuma)	1.669.486,00 KM
4. Naknade za korištenje državnih šuma	370.000,00 KM
5. Ostali prihodi za korištenje, zaštitu i unapređenje šuma	65.000,00 KM
6. Sredstva za proširenu biološku reprodukciju šuma	10.000,00 KM
Ukupno	2.964.486,00 KM

KRITERIJI ZA UTROŠAK SREDSTAVA I NAČIN UTROŠKA

Namjenska sredstva planirana u visini od 2.964.486,00 KM, predviđena su za finansiranje izdataka prikazanih u tabelarnom pregledu:

R B	Izdaci	Naknade za općekorisne funkcije šuma	Naknade za obavljanje stručnih poslova u privatnim šumama	Naknade od promjene namjene šumskog zemljišta (krčenja šuma)	Naknade za korištenje državnih šuma	Ostali prihodi za korištenj e, zaštitu i unaprede nje šuma	Naknade od proširene biološke reprodukc. šuma	Ukupno planirana namjenska sredstva kol. (3 do 8)
1	2	3	4	5	6	7	8	9
1.	Izdaci za bruto plaće	324.800,00	-	906.721,00	370.000,00	60.000,00	-	1.661.521,00
2.	Naknade troškova zaposlenih	70.000,00	30.000	363.556,00	-	-	-	463.556,00
3.	Doprinosi poslodavca	80.000,00	48.000	369.209,00	-	-	-	497.209,00
4.	Izdaci za materijal i usluge	115.200,00	72.000,00	-	-	5.000,00	-	192.200,00
	4.1. Putni troškovi	2.000,00	-	-	-	-	-	2.000,00
	4.2. Energenti	16.000,00	-	-	-	-	-	16.000,00
	4.3. Komunalne usluge	32.200,00	-	-	-	-	-	32.200,00
	4.4. Nabavka materijala	20.000,00	-	-	-	-	-	20.000,00
	4.5. Izdaci za gorivo	-	50.000,00	-	-	-	-	50.000,00
	4.6. Izdaci za zakup prostora	15.000,00	-	-	-	-	-	15.000,00
	4.7. Tekuće održavanje	-	14.000,00	-	-	-	-	14.000,00
	4.8. Izdaci za osiguranje	1.000,00	-	-	-	-	-	1.000,00
	4.9. Ugovorene usluge	29.000,00	8.000,00	-	-	5.000,00	-	42.000,00
5.	Tekući transferi	-	-	-	-	-	10.000,00	10.000,00
	5.1. Tekući transfer pojedincima	-	-	-	-	-	10.000,00	10.000,00
	5.2. Tekući transfer neprofitnim organizacijama	-	-	-	-	-	-	-
6.	Nabavka zemljišta, šuma i višegodišnjih zasada	-	-	-	-	-	-	-
7.	Nabavka opreme	10.000,00	-	-	-	-	-	10.000,00
8.	Rekonstrukcija i invest.održavanje	-	100.000,00	30.000,00	-	-	-	130.000,00
	8.1. Izrada kantonalnog šumsko-razvojnog plana	-	-	-	-	-	-	-
	8.2. Nabavka sadnica	-	-	30.000,00	-	-	-	30.000,00
	8.3. Projekti iz oblasti šumarstva – Nadzor izrada osnova	-	100.000,00	-	-	-	-	100.000,00
	UKUPNO (od 1 do 8)	600.000,00	250.000,00	1.669.486,00	370.000,00	65.000,00	10.000,00	2.964.486,00

Izvori za finansiranje izdataka iskazanih u tabelarnom pregledu su niže navedene naknade propisane Zakonom o šumama („Službene novine Zeničko-dobojskog kantona“, broj: 8/13 i 1/15,

5/21):

1. Naknade za općekorisne funkcije šuma

Na osnovu člana 50. Zakona o šumama („Službene novine Zeničko-dobojskog kantona“, broj 8/13, 1/15 i 5/21), naknade za općekorisne funkcije šuma uplaćuju se na kantonalni račun u visini od 0,07% ukupno ostvarene godišnje dobiti, a na osnovu člana 52. istog Zakona, plaćaju ih sva pravna lica koja su registrovana za obavljanje djelatnosti i imaju sjedište na teritoriji Kantona, kao i dijelovi pravnih lica čije je sjedište van Kantona, a obavljaju djelatnost na teritoriji Kantona, izuzev institucija i organizacija navedenih u stavu (3) istog člana.

U Budžetu Zeničko-dobojskog kantona za 2023. godinu, po osnovu naknada za općekorisne funkcije šuma, planirani su prihodi u ukupnom iznosu od 600.00,00 KM, namijenjeni za slijedeće:

1.1. Sufinansiranje rada čuvarske službe-tekući izdaci590.000,00 KM

1.2. Nabavka opreme za potrebe Uprave.....10.000,00 KM

Ukupno 600.000,00 KM

1.1. Sufinansiranje rada čuvarske službe

Sredstva navedena pod tačkom 1.1. planirana u iznosu od 590.000,00 KM, namijenjena su za slijedeće izdatke:

Rb	Izdaci	KM	%
1.	Bruto plaće zaposlenih	324.800,00	55,06
2.	Naknade troškova zaposlenih	70.000,00	11,86
3.	Doprinosi poslodavca	80.000,00	13,56
4.	Izdaci za materijal i usluge	115.200,00	19,52
	Ukupno	590.000,00	100,00

Ukupna sredstva iz naknada za općekorisne funkcije šuma za sufinansiranje rada čuvarske službe, odnose se na sredstva planirana za sufinansiranje plaća i naknada zaposlenih u iznosu od 474.800,00 KM i u ukupnim sredstvima planiranim pod tačkom 1.1. Programa učestvuju sa 80,47% i na sredstva planirana za izdatke za materijal i usluge, u iznosu od 115.200,00 KM.

Sredstva za izdatke za materijal i usluge, planirana u visini od 115.200,00 KM, predviđena su za sufinansiranje slijedećih izdataka: izdaci za putne troškove, troškove električne energije i grijanja odjeljenja i Uprave, poštanske, telefonske i druge komunalne usluge odjeljenja, nabavku administrativnog materijala, kao i potrošnog materijala potrebnog za gospodarenje u privatnim šumama, tj. nabavku pločica za obilježavanje drvnih sortimenata, nabavku otpremnih iskaza, knjiga panjeva, knjiga doznake i slično, izdataka za zakup prostora za odjeljenja Uprave, izdataka za tekuće održavanje, izdataka za ugovorene usluge tj. zdravstvene usluge-povrede na radu, nabavka službenih uniformi za čuvare šuma, specijalističke kurseve iz oblasti šumarstva, informisanje, izdatke za komisije, izdatke za posebne naknade na dohodak za zaštitu od prirodnih i drugih nesreća, ostale ugovorene usluge i sl.

Realizacija Programa pod tačkom 1.1. u dijelu koji se odnosi na finansiranje plaća i naknada, vršit će se kontinuirano, prema važećim propisima koji regulišu plaće i naknade, a u dijelu planiranih nabavki i izdataka za izvršene usluge, na osnovu procedura propisanih Zakonom o javnim nabavkama i računa ispostavljenih za izvršene usluge.

1.2. Nabavka opreme za čuvarsku službu

Sredstva planirana pod tačkom 1.2. u visini od 10.000,00 KM, namijenjena su za nabavku kancelarijske opreme za odjeljenja i Upravu, nabavku geodetske opreme, te nabavku GPS uređaja za potrebe Kantonalne uprave za šumarstvo.

Realizacija Programa pod tačkom 1.2. vršit će se u skladu sa procedurama propisanim Zakonom o javnim nabavkama.

Kriterij za utrošak sredstava ostvarenih po osnovu naknada za općekorisne funkcije šuma, za namjene navedene pod tačkama 1.1. i 1.2. propisani su članom 53. Zakona o šumama („Službene novine Zeničko-dobojskog kantona“, broj: 8/13, 1/15 i 5/21).

2. Naknade za obavljanje stručnih poslova u privatnim šumama

Na osnovu člana 35. Zakona o šumama, naknade za obavljanje stručnih poslova u privatnim šumama, na kantonalni račun uplaćuju vlasnici privatnih šuma koji, na osnovu potpisanog ugovora, obavljanje stručnih poslova prenesu u nadležnost Kantonalne uprave za šumarstvo.

Prihodi po osnovu naknada za obavljanje stručnih poslova u privatnim šumama za 2023. godinu planirani su u iznosu od 250.000,00 KM, a namijenjeni su za tekuće izdatke tj. sufinansiranje rada čuvarske službe-tekući izdaci, izdatke za materijal i usluge za potrebe odjeljenja i za rekonstrukciju i investiciono održavanje, u niže navedenim iznosima:

2.1. Sufinansiranje rada čuvarske službe-tekući izdaci	78.000,00 KM
2.2. Sufinansiranje izdataka za materijal i usluge.....	72.000,00 KM
2.2. Rekonstrukcija i investiciono održavanje	<u>100.000,00 KM</u>
	Ukupno 250.000,00 KM

2.1. Sufinansiranje rada čuvarske službe

Za sufinansiranje rada čuvarske službe, planirana su sredstva u iznosu od 78.000,00 KM, a namijenjena su za:

- Naknade troškova zaposlenih, u iznosu od 30.000,00 KM
- Doprinosi poslodavca, u iznosu od 48.000,00 KM

Realizacija Programa pod tačkom 2.1. u dijelu koji se odnosi na finansiranje plaća i naknada, vršit će se kontinuirano, prema važećim propisima koji regulišu plaće i naknade.

2.2. Sufinansiranje izdataka za materijal i usluge

Za sufinansiranje izdataka za materijal i usluge, iz naknada za obavljanje stručnih poslova u privatnim šumama, planirana su sredstva u iznosu od 72.000,00 KM, a namijenjena su za:

- izdatke za gorivo, u iznosu od 50.000,00 KM
- ugovorene usluge, u iznosu od 8.000,00 KM
- tekuće održavanje 14.000,00 KM

Realizacija Programa pod tačkom 2.2. izvršit će se na osnovu procedura propisanih u Zakonu o javnim nabavkama i računa ispostavljenih za izvršene usluge.

2.3. Rekonstrukcija i investiciono održavanje

Iz naknada za obavljanje stručnih poslova u privatnim šumama, u 2023. godini, za rekonstrukciju i investiciono održavanje planirana su sredstva u visini od 100.000,00 KM, namijenjena za finansiranje nadzora nad izradom šumsko-privrednih osnova.

Kriterij za utrošak sredstava ostvarenih po osnovu naknada za obavljanje stručnih poslova u privatnim šumama propisani su članom 53. Zakona o šumama („Službene novine Zeničko-dobojskog kantona“, broj: 8/13, 1/15 i 5/21).

3. Naknade u postupku promjene namjene šumskog zemljišta (krčenje šuma)

U Budžetu za 2023.godinu, po osnovu naknada za promjenu namjene šumskog zemljišta (krčenja šuma), a shodno članu 50. i članu 53. Zakona o šumama („Službene novine Zeničko-dobojskog kantona“, broj 8/13, 1/15 i 5/21), planirana su sredstva u visini od 1.669.486,00 KM, namijenjena za:

3.1. Sufinansiranje rada čuvarske službe-tekući izdaci1.639.486,00 KM

3.2. Rekonstrukcija i investiciono održavanje – podizanje novih šuma.....30.000,00 KM

Realizacija Programa pod tačkom 3. izvršit će se putem kandidovanih i komisijski odobrenih projekata.

Kriterij za utrošak sredstava ostvarenih po osnovu naknada u postupku promjene namjene šumskog zemljišta (krčenje šuma) propisani su članom 53. Zakona o šumama („Službene novine Zeničko-dobojskog kantona“, broj 8/13, 1/15 i 5/21).

4. Naknada za korištenje državnih šuma

Na osnovu člana 38. i člana 51. Zakona o šumama („Službene novine Zeničko-dobojskog kantona“, broj: 8/13, 1/15 i 5/21), naknade za korištenje državnih šuma na kantonalni račun uplaćuju korisnici državnih šuma, tj. šumsko-privredna društva. Uplate naknada vrše se tromjesečno i po završnom godišnjem računovodstvenom izvještaju, u visini od 2 % prihoda ostvarenog od drveta i prihoda ostvarenog od nedrvnih šumskih proizvoda.

U Budžetu za 2023. godinu, po osnovu naknada za korištenje državnih šuma planirani su prihodi u visini od 370.000,00 KM, namijenjeni za:

4.1. Sufinansiranje rada čuvarske službe-tekući izdaci370.000,00
KM

Kriterij za utrošak sredstava ostvarenih po osnovu naknada za korištenje državnih šuma propisani su članom 53. Zakona o šumama („Službene novine Zeničko-dobojskog kantona“, broj 8/13, 1/15 i 5/21).

5. Ostali prihodi za korištenje, zaštitu i unapređenje šuma

U Budžetu za 2023.godinu, po osnovu ostalih prihoda za korištenje, zaštitu i unapređenje šuma, a shodno članu 50. i članu 53. Zakona o šumama („Službene novine Zeničko-dobojskog kantona“, broj 8/13, 1/15 i 5/21), planirana su sredstva u visini od 65.000,00 KM, namijenjena za:

- | | |
|--|--------------|
| 5.1. Sufinansiranje rada čuvarske službe-tekući izdaci | 60.000,00 KM |
| 5.2. Izdaci za materijal i ugovorene usluge..... | 5.000,00 KM |

Kriterij za utrošak sredstava ostvarenih po osnovu ostalih prihoda za korištenje, zaštitu i unapređenje šuma propisani su članom 53. Zakona o šumama („Službene novine Zeničko-dobojskog kantona“, broj 8/13, 1/15 i 5/21).

6. Sredstva za proširenu biološku reprodukciju šuma

U Budžetu Zeničko-dobojskog kantona za 2023.godinu, u skladu sa Zakonom o šumama („Službene novine Zeničko-dobojskog kantona“ broj: 8/13, 1/15 i 5/21) planirani su prihodi i po osnovu naknada za proširenu biološku reprodukciju šuma.

U Budžetu za 2023. godinu, po osnovu naknada za proširenu biološku reprodukciju šuma, planirana su sredstva u visini od 10.000,00 KM, namijenjena za:

- | | |
|-----------------------------|--------------|
| 6.1. Tekući transferi | 10.000,00 KM |
|-----------------------------|--------------|

Iz sredstava za tekuće transfere planirane iz naknada za proširenu biološku reprodukciju šuma, u skladu sa članom 53. stav (1) tačka 1) Zakona o šumama, mogu se finansirati i druge namjene za unapređenje šuma.

Kriterij za utrošak sredstava proširenu biološku reprodukciju šuma propisani su članom 53. Zakona o šumama („Službene novine Zeničko-dobojskog kantona“, broj 8/13, 1/15 i 5/21).

Ukoliko se, iz određenih razloga, namjenska sredstva, predviđena Programom za 2023. godinu, ne utroše u potpunosti, preostala sredstva će biti prenesena u narednu budžetsku godinu.

PREMIJER

Broj: 02-_____/23
Datum, 20.04.2023. godine
Z e n i c a

Amra Mehmedić

DOSTAVLJENO:

1x Ministarstvo za poljoprivredu,
šumarstvo i vodoprivredu,
1x Kantonalna uprava za šumarstvo, putem Ministarstva,

1x Ministarstvo finansija,
1x a/a.